

BOSNA I HERCEGOVINA - БОСНА И ХЕРЦЕГОВИНА

Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka



Агенција за развој високог образовања
и обезбеђивање квалитета
Босне и Херцеговине
Бања Лука

Agency for Development of Higher Education and Quality Assurance of Bosnia and Herzegovina

Broj: 03-50-2-420-2/19
Banja Luka, 30.09.2019. godine

VISOKOŠKOLSKIM USTANOVAMA U BiH

Predmet: Čestitka direktora Agencije za razvoj visokog obrazovanja i osiguranje kvaliteta BiH, prof. dr Envera Halilovića

Povodom početka akademske 2019./2020.godine, upućujem srdačne čestitke akademskoj zajednici u Bosni i Hercegovini, studentima, profesorima, saradnicima i zaposlenicima visokoškolskih ustanova.

Iskreno želim da u novoj akademskoj godini budete uspješni u ostvarenju postavljenih ciljeva i zadataka na putu ličnog i profesionalnog napretka. Svjesni neprocjenjive uloge visokog obrazovanja kao glavnog faktora ekonomskog i socijalnog razvoja i prosperiteta društva, vjerujem da ćete posvećenim radom, profesionalnim angažmanom, svako u svom poslu, doprinijeti postizanju dobrih rezultata u kvalitetnom obrazovanju budućih generacija profesionalaca.

Primarna misija Agencije je da kroz osiguranje kvaliteta razvijamo visoko obrazovanje. Ne možemo biti zadovoljni aktuelnim stanjem. Podizanje standarda kvaliteta u nastavi, naučno - istraživačkom radu i svim drugim segmentima visokog obrazovanja, je naš primarni, zajednički cilj kako bi Bosna i Hercegovina postala ravnopravan član Evropskog prostora visokog obrazovanja sa svim pravima i obavezama koje taj prostor znači.

Podsjećam da su Agenciju nedavno posjetili eksperti Evropske asocijacije za osiguranje kvaliteta u visokom obrazovanju (ENQA) kako bi se, dvije godine nakon završene eksterne evaluacije Agencije, uvjernili u napredak koji je postignut u ovoj oblasti. Predmet njihovog interesovanja bile su aktivnosti na realizaciji preporuka koje je Agencija dobila od komisije eksperata ENQA-e 2017.godine, ali i stanje u visokom obrazovanju u BiH i uloga akreditacije u podizanju kvaliteta obrazovanja.

Siguran sam da postoje ambicije, kao i dovoljan prostor u kojem svako u svojoj oblasti profesionalnog djelovanja, može unaprijediti svoj rad. U narednom periodu Agencija će i dalje biti posvećena implementaciji preporuka koje je dobila od Komisije eksperata ENQA-e , a sve s ciljem unapređenja svog djelovanja, ali i unapređenja postupanja nadležnih ministarstava i komisija stručnjaka za akreditaciju, koje su, takođe, zajedno sa Agencijom učesnici u postupku akreditacije.

Ako znamo da još postoje visokoškolske ustanove, osnovane od prije pet ili više godina, koje izdaju diplome, a nisu prošle postupak akreditacije u skladu sa Okvirnim zakonom o visokom obrazovanju u Bosni i Hercegovini, obaveza svih nas koji radimo u ovoj oblasti, uključujući

nadležne obrazovne vlasti, ali i inspekcijske organe jeste hitno postupanje u području svoje nadležnosti kako bi bile otklonjene neregularnosti i sankcionisana odstupanja od zakona.

Akreditacija studijskih programa, kvalitetniji izvještaji komisija stručnjaka za akreditaciju, transpretnije i profesionalnije provođenje vanjskog osiguranja kvaliteta, izazovi su koji stoje pred nama, a koje samo sinergijskim djelovanjem možemo uspješno savladati.

Odgovorno, nezavisno i kvalitetno izvršavanje predviđenih poslova svih učesnika u procesu akreditacije jedini su put ka unapređenju kvaliteta visokog obrazovanja i stvaranja neophodnih prepostavki za valorizaciju visokoškolske, naučno-obrazovne, naučno-istraživačke i umjetničke djelatnosti u skladu sa evropskim standardima u ovoj oblasti.

Agencija će nastaviti i dalje da radi svoj posao u okviru datih joj zakonskih nadležnosti što može bolje i profesionalnije. Naša liderska uloga u procesima osiguranja kvaliteta u visokom obrazovanju obavezuje nas na proaktivni pristup i kontinuirano unapređenje kvaliteta, kako rada Agencije, tako i visokog obrazovanja u Bosni i Hercegovini i opšteg društvenog ambijenta u kojem svi zajedno djelujemo.

